



Republika e Kosovës
Republika Kosova - Republic of Kosovo
Qeveria - Vlada - Government
Ministria e Kulturës, Rinisë dhe Sportit / Ministarstvo Kulture, Omladine i Sporta /
Ministry of Culture, Youth and Sports

Prishtinë, Shkurt 2023

THIRRJA PËR PROJEKT-PROPOZIMET KULTURORE 2023

ART DHE TRASHËGIMI KULTURORE

Ministria e Kulturës, Rinisë dhe Sportit (MKRS), në fushën e artit dhe trashëgimisë kulturore për vitin 2023, rendit ndër prioritetet programore: fuqizimin e rolit të skenës së pavarur kulturore në zhvillimin dhe zbatimin e politikave publike, rritjen e cilësisë së krijimtarisë artistike, identifikimin dhe mbështetjen e talentëve të rinj, aktivizimin e të rinjve në vendimmarrje dhe aktivitete të fushës së artit dhe trashëgimisë kulturore, rrjetëzimin dhe promovimin e produktit vendor kulturor si produkt konkurrues në tregun ndërkombëtar të industrisë kreative.

Në funksion të prioritetit programor, thirrja për projekt-propozimet kulturore për vitin 2023 që mbulon fushën e artit dhe trashëgimisë kulturore, synon mbështetjen e projekt-propozimeve të OJQ-ve dhe Individëve që zhvillohen në Republikën e Kosovës apo në shtetet ku është e koncentruar diaspora, të cilët përmbushin objektivat e përgjithshme si në vijim:

- Promovimi i artit dhe trashëgimisë kulturore përmes pasurimit, diversifikimit dhe rritjes së cilësisë së jetës kulturore;
- Nxitja e vullnetarizmit dhe pjesëmarrjes aktive të të rinjve në jetën kulturore brenda dhe jashtë Republikës së Kosovës, me theks te fëmijët dhe personat me aftësi të kufizuara;
- Fuqizimi i koordinimit dhe partneritetit ndërmjet institucioneve të kulturës dhe trashëgimisë kulturore dhe shoqërisë civile përmes fuqizimit të skenës së pavarur kulturore dhe nxitjes së akterëve të rinj që veprojnë në fushën e kulturës.

Projekt-propozimet e zhvilluara në përputhje me objektivat e përgjithshme dhe specifike duhet të synojnë gjithëpërfshirjen duke siguruar përfshirjen aktive të grupeve të ndryshme të komunitetit në aktivitetet përkatëse të projekt-propozimit, në veçanti të rinjtë, të moshuarit, vajzat dhe gratë, personat me aftësi të kufizuara, komunitetin LGBTIQ, komunitetet pakicë, etj.

Të drejtë aplikimi me projekt-propozime në thirrjen publike për projekt-propozimet kulturore 2023 kanë OJQ-të dhe Individët që dëshmojnë se programi i tyre i punës është i profilizuar në fushën e artit dhe trashëgimisë kulturore. OJQ-të dhe Individët mund të aplikojnë në njërin nga kategoritë në vijim:

- 1. Mbështetja për zhvillimin organizativ dhe programor për OJQ të artit dhe trashëgimisë kulturore;**
- 2. Ngjarjet tradicionale të artit dhe trashëgimisë kulturore;**
- 3. Projektet dhe ngjarjet në fushën e artit dhe trashëgimisë kulturore;**
- 4. Projektet e krijuesve (artistëve) të rinj.**

OJQ-të, anëtarët e OJQ-ve dhe individët tjerë, mund të aplikojnë **vetëm në njërin nga katër kategoritë** e kësaj thirrjeje publike.

Katër kategoritë e listuara më sipër janë elaboruar më poshtë, duke zbërthyer synimet dhe aktivitetet përkatëse, fushëveprimin, kriteret e përgjithshme dhe të veçanta për aplikantin, si dhe shkallën maksimale dhe minimale të mbështetjes.

Vlerësimi i projekt-propozimeve do të zhvillohet në dy faza:

1. Vlerësimi administrativ - që identifikon nëse aplikanti ka ofruar të gjithë dokumentacionin e nevojshëm në përputhje me kriteret e përgjithshme dhe të veçanta të përcaktuara me këtë thirrje publike për kategoritë përkatëse. Plotësimi i dokumentacionit pas afatit të aplikimit, përkatësisht gjatë periudhës së vlerësimit apo afatit të ankesave, nuk është i mundshëm.

2. Vlerësimi përmbajtësor - që vlerëson nëse:

- aplikanti është i profilizuar në fushën e artit dhe trashëgimisë kulturore;
- aplikanti ka aplikuar parimet e qeverisjes së mirë në zbatimin e programit respektiv në vitet paraprake;
- aplikanti ka paraparë zbatimin e parimeve të qeverisjes së mirë në zbatimin e projekt-propozimit të prezantuar në këtë thirrje publike;
- aplikanti posedon kapacitete profesionale dhe teknike për të zbatuar aktivitetet e planifikuara të projekt-propozimit;
- është përcaktuar ekipi i projekt-propozimit dhe detyrimet e anëtarëve të ekipit;
- projekt-propozimi përputhet me fushëveprimin e kësaj thirrjeje publike;
- projekt-propozimi kontribuon në përmbushjen e objektivave të përcaktuara me këtë thirrje publike për kategoritë përkatëse;

- aktivitetet e projekt-propozimit janë të qarta, të arsyeshme, të kuptueshme dhe të zbatueshme;
- kostot e projekt-propozimit janë reale karshi rezultateve specifike dhe kohëzgjatjes së pritshme të projekt-propozimit;
- kostot e projekt-propozimit janë në përputhje me aktivitetet e planifikuara të projekt-propozimit.

Në rast të dështimit për të përmbushur ndonjërin nga kriteret e përgjithshme apo të veçanta të përcaktuara me këtë thirrje publike për kategoritë përkatëse, aplikacioni do të konsiderohet i pakompletuar dhe si i tillë nuk do të kualifikohet për mbështetje financiare.

Aplikimi:

Aplikimi me projekt-propozime bëhet nëpërmjet formës online në uebfaqen e Ministrisë së Kulturës, Rinisë dhe Sportit:

<https://mkrs.rks-gov.net/shq/for-the-public/announcement/grant-announcement/>

Afati për aplikim:

Afati i fundit për aplikim është 20 ditë pune dhe përfundon me datën 22 mars 2023.

Më shumë informacione rreth thirrjes publike:

Të gjitha çështjet që lidhen me ftesën publike mund të sqarohen vetëm në mënyrë elektronike, duke dërguar e-mail në adresën: jehona.shyti@rks-gov.net dhe merita.augustini@rks-gov.net, jo më vonë se pesë ditë para mbylljes së ftesës publike.

KATEGORIA E PARË:

Mbështetje për zhvillim organizativ dhe programor të OJQ-ve të Artit dhe Trashëgimisë Kulturore

Synimi i Ministrisë së Kulturës, Rinisë dhe Sportit është fuqizimi i skenës së pavarur kulturore duke ndërtuar një mjedis të përshtatshëm ligjor që lehtëson zhvillimin e qëndrueshëm të sektorit të bazuar në parimet e qeverisjes së mirë, duke ofruar instrumente financiare të përshtatshme dhe lehtë të qasshme që sigurojnë transparencë dhe korrektësi, duke lehtësuar qasjen në tregun ndërkombëtar të industrisë kreative, dhe duke nxitur një koordinim dhe bashkëpunim të mirëfilltë ndërmjet akterëve në këtë fushë.

Në këtë kategori parashihet mbështetja e OJQ-ve të profilizuara në fushën e artit dhe trashëgimisë kulturore, të cilat janë të organizuara mirë, kanë vizion të qartë, kanë kontribuar në zhvillimin e sektorit të kulturës në Republikën e Kosovës dhe kanë dëshmuar kapacitete profesionale dhe teknike për zbatimin e strategjisë së tyre. Nëpërmjet ofrimit të mbështetjes së veçantë për zhvillim organizativ dhe programor, synohet:

1. Fuqizimi i skenës së pavarur kulturore përmes zhvillimit të organizatave të dëshmuara të profilizuara në fushën e artit dhe trashëgimisë kulturore;
2. Rritja e cilësisë së krijimtarisë artistike;
3. Fuqizimi i partneritetit në mes të institucioneve publike dhe komunitetit kulturor në zhvillimin dhe zbatimin e politikave adekuate publike për fushën e artit dhe trashëgimisë kulturore;
4. Zhvillimi i diplomacisë publike përmes rritjes së cilësisë së aktiviteteve artistike dhe të trashëgimisë kulturore të cilët prezantohen në sferën ndërkombëtare, dhe përmes përfshirjes në rrjetet ndërkombëtare të organizatave të kulturës;
5. Shkëmbimi i njohurive dhe ngritja e vetëdijes rreth rolit të artit dhe trashëgimisë kulturore te qytetarët, me theks të veçantë te fëmijët;
6. Nxitja e vullnetarizmit dhe pjesëmarrjes aktive të të rinjve dhe personave me aftësi të kufizuara në fushën e artit dhe trashëgimisë kulturore;
7. Përmirësimi i kushteve të përshtatshme të operimit të akterëve kyç të skenës së pavarur kulturore, përfshirë këtu hapësirën operuese për ushtrim të veprimtarisë së tyre, kapacitetin e nevojshëm njerëzor menaxhues dhe profesional.

Kush mund të aplikojë:

- OJQ-të e regjistruara në Republikën e Kosovës të profilizuara në fushën e artit dhe trashëgimisë kulturore, me përvojë të dëshmuar në sektorin e kulturës, që plotësojnë kriteret përkatëse të përgjithshme dhe të veçanta.

Kriteret e përgjithshme minimale të përcaktuara me dispozitat në vijim:

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës;
- Të jenë të pajisur me numër fiskal sipas kërkesave të legjislacionit tatimor të Republikës së Kosovës;
- Të mos kenë pranuar mjete nga burime tjera të financimit për të njëjtat aktivitete të projekt-propozimit përkatës;
- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Staf i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj;
- Të ofrojnë dëshmi se OJQ-ja nuk ka obligime tatimore (nga ATK);
- OJQ-ja duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- OJQ-të nuk kanë të drejtë të aplikojnë me më shumë se 1 projekt-propozim në këtë thirrje publike;
- Anëtarët e OJQ-ve aplikante nuk kanë të drejtë të aplikojnë edhe si individë në këtë apo ndonjë kategori tjetër në kuadër të kësaj thirrjeje publike.

Kriteret e veçanta të përcaktuara me dispozitat në vijim:

- OJQ-të duhet të jenë të profilizuara në fushën e artit dhe trashëgimisë kulturore, me përvojë të dëshmuar në organizim të aktiviteteve artistike dhe të trashëgimisë kulturore;
- Të ofrojnë portfolion me dëshmi të aktiviteteve në fushën e artit dhe/apo trashëgimisë kulturore gjatë 3 viteve të fundit;
- Të ofrojnë Strategjinë e Organizatës, me vlefshmëri të paktën për dy vitet e adhsme;
- Të ofrojnë shumën mesatare të qarkullimit vjetor për dy vitet paraprake (2021-2022) e cila duhet të jetë së paku dyfishi i shumës së aplikimit në këtë thirrje publike;
- Të dëshmojnë menaxhim të përgjegjshëm financiar të projekteve dhe programeve përmes paraqitjes së raporteve të auditimit të jashtëm të OJQ-së për 2 vitet e fundit;
- Të integrojnë zhvillimin e Auditimit të jashtëm dhe Vlerësimit të ndikimit social dhe ekonomik të programit vjetor të OJQ-së në projekt-propozimin me të cilin aplikojnë në këtë thirrje publike;

- Të integrojnë komponentën e edukimit të fëmijëve dhe të rinjve rreth artit dhe/apo trashëgimisë kulturore në projekt-propozimin me të cilin aplikojnë në këtë thirrje.

Periudha e zbatimit të projekt-propozimit:

Projekt-propozimet përfituese në këtë thirrje publike duhet të zbatohen në tërësi deri më 31.12.2023.

Shkalla e mbështetjes:

- Shuma maksimale e mbështetjes për përfituesit: 100,000.00 Euro
- Shuma minimale e mbështetjes për përfituesit: 50,000.00 Euro

KATEGORIA E DYTË:

Ngjarjet tradicionale të artit dhe trashëgimisë kulturore

Synimi i Ministrisë së Kulturës, Rinisë dhe Sportit është gjallërimi dhe begatimi i jetës kulturore, si dhe nxitja e promovimi i diversitetit kulturor përmes mbështetjes së ngjarjeve të mëdha e gjithëpërfshirëse kulturore në Republikën e Kosovës.

Kjo kategori synon mbështetjen e organizimeve tradicionale (vjetore ose bienale) në territorin e Kosovës që organizohen nga OJQ-të e profilizuara në fushën e artit dhe trashëgimisë kulturore, duke mbështetur veprimtaritë të cilat bazohen në shprehje krijuese artistike bashkëkohore, individuale apo grupore, si dhe ato që kultivojnë dhe promovojnë traditat dhe vlerat e trashëgimisë së pasur kulturore, të tilla si festivalet e muzikës, filmit, teatrit, artit pamor, artet skenike, panairët, bienalet, etj. Nëpërmjet ofrimit të mbështetjes së veçantë për ngjarjet tradicionale të artit dhe trashëgimisë kulturore, synohet:

1. Ngritja e cilësisë së krijimtarisë artistike dhe organizimeve kulturore në Republikën e Kosovës;
2. Promovimi i trashëgimisë kulturore, në veçanti të asaj shpirtërore të të gjitha komuniteteve në Republikën e Kosovës;
3. Nxitja e vullnetarizmit dhe pjesëmarrja aktive e të rinjve dhe personave me aftësi të kufizuara në fushën e artit dhe trashëgimisë kulturore;
4. Promovimi, pasurimi dhe diversifikimi i jetës kulturore përmes aktiviteteve gjithëpërfshirëse në fushën e artit dhe trashëgimisë kulturore.

Kush mund të aplikojë:

- OJQ-të e regjistruara në Republikën e Kosovës të profilizuara në fushën e artit dhe trashëgimisë kulturore, me përvojë të dëshmuar në sektorin e kulturës, që plotësojnë kriteret përkatëse të përgjithshme dhe të veçanta.

Kriteret e përgjithshme minimale të përcaktuara me dispozitat në vijim:

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës;
- Të jenë të pajisur me numër fiskal sipas kërkesave të legjislacionit tatimor të Republikës së Kosovës;
- Të mos kenë pranuar mjete nga burime tjera të financimit për të njëjtat aktivitete të projekt-propozimit respektiv;
- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj;
- Të ofrojnë dëshmi se OJQ-ja nuk ka obligime tatimore (nga ATK);

- Në rast që OJQ-ja ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- OJQ-të nuk kanë të drejtë të aplikojnë me më shumë se 1 projekt-propozim në këtë thirrje publike;
- Anëtarët e OJQ-ve aplikante nuk kanë të drejtë të aplikojnë edhe si individë në këtë apo ndonjë kategori tjetër në kuadër të kësaj thirrjeje publike.

Kriteret e veçanta të përcaktuara me dispozitat në vijim:

- OJQ-të duhet të jenë të profilizuara në fushën e artit dhe trashëgimisë kulturore, me përvojë të dëshmuar në organizim të aktiviteteve artistike dhe të trashëgimisë kulturore. Në vlerësim mund të konsiderohet edhe përvoja individuale e anëtarëve të organizatës nëse OJQ-ja është e themeluar rishtazi;
- Të ofrojnë portfolio me dëshmi të mbarëvajtjes së aktiviteteve tradicionale në fushën e artit dhe trashëgimisë kulturore për të paktën dy vitet e fundit;
- Të ofrohet pasqyra e ndikimit ekonomik dhe social gjatë viteve paraprake. Raporti duhet të mbajë të paktën të dhëna rreth numrit të artistëve ndërkombëtarë pjesëmarrës, numrit të artistëve vendorë pjesëmarrës, numrit të vullnetarëve, numrit të vizitorëve vendorë, numrit të vizitorëve ndërkombëtarë, etj. Inkurajohet ofrimi i dëshmimeve mbi ndikimin socio-ekonomik dhe vlerësimet ndërkombëtare mbi cilësinë e organizimit/ngjarjes gjatë viteve paraprake;
- Të integrojnë zhvillimin e Auditimit të jashtëm të projektit në projekt-propozimin me të cilin aplikojnë në këtë thirrje publike;
- Të integrojnë komponentën e edukimit të fëmijëve dhe të rinjve rreth artit dhe/apo trashëgimisë kulturore në projekt-propozimin përkatës.

Periudha e zbatimit të projekt-propozimit:

Projekt-propozimet përfituese në këtë thirrje publike duhet të zbatohen në tërësi deri më 31.12.2023.

Shkalla e mbështetjes:

- Shuma maksimale e mbështetjes për përfituesit: 35,000.00 Euro
- Shuma minimale e mbështetjes për përfituesit: 25,000.00 Euro

KATEGORIA E TRETË:

Projektet dhe ngjarjet në fushën e artit dhe trashëgimisë kulturore

Ministria së Kulturës, Rinisë dhe Sportit synon të nxisë ndërlidhjen e ngushtë ndërmjet ruajtjes, dokumentimit dhe zhvillimit të artit e trashëgimisë kulturore në një rën anë, dhe integrimin e artit dhe trashëgimisë kulturore në politikat zhvillimore për një mirëqenie të avancuar sociale dhe ekonomike.

Në këtë kategori parashihet mbështetja e projekt-propozimeve të OJQ-ve dhe Individëve të profilizuar në fushën e artit dhe trashëgimisë kulturore, me synim:

1. Promovimi, pasurimi dhe diversifikimi i jetës kulturore përmes aktiviteteve gjithëpërfshirëse në fushën e artit dhe trashëgimisë kulturore;
2. Zhvillimi i hulumtimeve, kërkimeve dhe prezantimeve në medime të ndryshme të artit dhe trashëgimisë kulturore;
3. Edukimi joformal i gjeneratave të reja rreth artit dhe trashëgimisë kulturore;
4. Zhvillimi i turizmit kulturor;
5. Aktivitete të tjera të fushës së artit dhe trashëgimisë kulturore në përputhje me objektivat e kësaj thirrje.

Kush mund të aplikojë:

- OJQ-të e regjistruara në Republikën e Kosovës apo në shtetet ku është e koncentruar diaspora, të profilizuara në fushën e artit dhe trashëgimisë kulturore, me përvojë të dëshmuar në sektorin e kulturës, që plotësojnë kriteret përkatëse të përgjithshme dhe të veçanta;
- Individët shtetas të Republikës së Kosovës apo shtetas të huaj pjesëtarë të diasporës kosovare, të profilizuar në fushën e artit dhe trashëgimisë kulturore, me përvojë të dëshmuar në sektorin e kulturës profilizuar në fushën e artit dhe trashëgimisë kulturore, me përvojë të dëshmuar në sektorin e kulturës, që plotësojnë kriteret përkatëse të përgjithshme dhe të veçanta.

Kriteret e përgjithshme minimale për OJQ-të të përcaktuara me dispozitat në vijim:

- Të jenë të regjistruar si OJQ sipas kërkesave të legjislacionit në fuqi për lirinë e asociimit në organizata jo-qeveritare në Republikën e Kosovës apo në shtetin ku është e koncentruar diaspora sipas legjislacionit ekuivalent për regjistrimin e organizatave jo-për-përfitim në vendin përkatës;
- Të jenë të pajisur me numër fiskal sipas kërkesave të legjislacionit tatimor të Republikës së Kosovës, përkatësisht dokumentacionin ekuivalent sipas legjislacionit të shtetit përkatës për OJQ-të e diasporës të regjistruara në vendin e huaj;
- Të mos kenë pranuar mjete nga burime tjera të financimit për të njëjtat aktivitete të projekt-propozimit respektiv;

- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj;
- Të ofrojnë dëshmi se OJQ-ja nuk ka obligime tatimore (nga ATK);
- Në rast që OJQ-ja ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- OJQ-të nuk kanë të drejtë të aplikojnë me më shumë se 1 projekt-propozim në këtë thirrje publike;
- Anëtarët e OJQ-ve aplikante nuk kanë të drejtë të aplikojnë edhe si individ në këtë apo ndonjë kategori tjetër në kuadër të kësaj thirrjeje publike.

Kriteret e veçanta për OJQ-të të përcaktuara me dispozitat në vijim:

- OJQ-të duhet të jenë të profilizuara në fushën e artit dhe trashëgimisë kulturore, me përvojë të dëshmuar në organizim të aktiviteteve artistike dhe të trashëgimisë kulturore. Në vlerësim mund të konsiderohet edhe përvoja individuale e anëtarëve të organizatës nëse OJQ-ja është e themeluar rishtazi;
- Të ofrojnë portfolion me dëshmi të aktiviteteve në fushën e artit dhe/apo trashëgimisë kulturore gjatë të paktën 2 viteve të fundit;
- Të integrojnë zhvillimin e Auditimit të jashtëm të projektit në projekt-propozimin me të cilin aplikojnë në këtë thirrje publike;
- Të integrojnë komponentën e edukimit të fëmijëve dhe të rinjve rreth artit dhe/apo trashëgimisë kulturore në projekt-propozimin përkatës.

Kriteret e përgjithshme minimale për INDIVIDËT të përcaktuara me dispozitat në vijim:

- Të ofrojnë dëshmi të regjistrimit civil në Republikën e Kosovës apo në shtetin ku është e koncentruar diaspora;
- Në rast se individi ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- Të mos kenë pranuar mjete nga burime tjera të financimit për të njëjtat aktivitete;
- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj;
- Individët nuk kanë të drejtë të aplikojnë me më shumë se 1 projekt-propozim në këtë thirrje publike.

Kriteret e veçanta për INDIVIDËT të përcaktuara me dispozitat në vijim:

- Duhet të jenë të profilizuar në fushën e artit dhe trashëgimisë kulturore, me përvojë të dëshmuar në organizim të aktiviteteve artistike dhe të trashëgimisë kulturore;
- Të ofrojnë portfolion me dëshmi të aktiviteteve në fushën e artit dhe/apo trashëgimisë kulturore gjatë 2 viteve të fundit;
- Të integrojnë zhvillimin e Auditimit të jashtëm të projektit në projekt-propozimin me të cilin aplikojnë në këtë thirrje publike.

Periudha e zbatimit të projekt-propozimit:

Projekt-propozimet përfituese në këtë thirrje publike duhet të zbatohen në tërësi deri më 31.12.2023.

Shkalla e mbështetjes:

- Shuma maksimale e mbështetjes për përfituesit: 20,000.00 Euro
- Shuma minimale e mbështetjes për përfituesit: 10,000.00 Euro

KATEGORIA E KATËRT:

Projektet e krijuesve (artistëve) të rinj

Synimi i Ministrisë së Kulturës, Rinisë dhe Sportit është të nxisë krijimtarinë artistike dhe të stimulojë talentët e rinj, në fushën e artit dhe trashëgimisë kulturore.

Kjo kategori synon mbështetjen e Individëve nga fusha e artit dhe trashëgimisë kulturore, në veçanti:

- Artin pamor, përfshirë instalacionet, pikturën, performancën artistike, fotografinë, skulpturën, grafikën, etj;
- Artin muzikor dhe vallëzimin;
- Artin skenik, përfshirë regjinë, monodramat, shkrimi i dramës, shfaqja taktike, etj;
- Artin tradicional, përfshirë zanatet tradicionale;
- Artin letrar, përfshirë letërsinë artistike, poezinë, letërsinë për fëmijë, kritikën, gazetarinë, shkrimin rreth artit, etj;
- Filmin;
- Multimedian;
- Të tjera.

Nëpërmjet ofrimit të mbështetjes së veçantë për krijuesit (artistët) e rinj, synohet:

- Vazhdimësia e jetës artistike, bartja e traditave nga e kaluara në gjeneratat e reja;
- Pasurimi i shprehjes krijuese artistike bashkëkohore;
- Gjenerimi i kuadrove të reja profesionale, të cilët do të kontribuojnë në ngritjen e kualitetit profesional në fushën e krijimtarisë artistike e kulturore në Kosovë;
- Nxitja e vullnetarizmit dhe pjesëmarrjes aktive të të rinjve dhe personave me aftësi të kufizuara në fushën e artit dhe trashëgimisë kulturore.

Kush mund të aplikojë:

Individët (të rinjtë), studentë apo të sapo-diplomuar në fushën e artit dhe trashëgimisë kulturore në fakultetet përkatëse në Republikën e Kosovës.

Kriteret e përgjithshme minimale të përcaktuara me dispozitat në vijim:

- Të ofrojnë dëshmi të regjistrimit civil në Republikën e Kosovës apo në shtetin ku është e koncentruar diaspora;
- Në rast se individ ka përfituar më parë mbështetje financiare publike, duhet të ketë përmbushur detyrimet kontraktuale ndaj ofruesit të mbështetjes financiare dhe të gjithë ofruesve tjerë të mbështetjes financiare publike, të krijuara deri më 31.12.2022;
- Të mos kenë pranuar mjete nga burime tjera të financimit për të njëjtat aktivitete;

- Të mos ekzistojë ndonjë konflikt interesi në mes të aplikantit, përkatësisht përfaqësuesve/udhëheqësit të aplikantit dhe organizatës buxhetore apo institucionit publik, siç parashihet me legjislacionin në fuqi në Republikën e Kosovës. Stafi i angazhuar për realizimin e aktiviteteve të projekt-propozimit të cilat do të gëzojnë mbështetjen financiare nga kjo thirrje nuk lejohet të jetë i punësuar në MKRS ose në institucione vartëse të saj.

Kriteret e veçanta të përcaktuara me dispozitat në vijim:

- Të jetë student/e apo i/e sapo-diplomuar në fushën e artit dhe/apo trashëgimisë kulturore;
- Të ofrojnë portfolion e punimeve (studimore);
- Të jenë të moshës deri 25 vjeç.

Periudha e zbatimit të projekt-propozimit:

Projekt-propozimet përfituese në këtë thirrje publike duhet të zbatohen në tërësi deri më 31.12.2023.

Shkalla e mbështetjes:

- Shuma maksimale e mbështetjes për përfituesit: 5,000.00 Euro
- Shuma minimale e mbështetjes për përfituesit: 3,000.00 Euro